

直隸叙永廳志卷十五

學校志

直隸叙永廳儒學

在叙永廳城西

按廳舊志初爲四川宣撫司學明天啟辛酉土官奢崇明叛崇正己巳削平改宣撫爲叙永廳有欲復宣撫之學者因永寧衛同城遂令川貴同學

國朝康熙七年分巡道楊應魁始有分學之請內部稽
□明會典方設叙永廳學奉

直隸叙永廳志

卷十五

學校

一

旨分定爲中學宣撫學宮原在治東前以川貴同庠遂爲

永寧衛學康熙九年巡道黃龍捐募建廳學於
治西城外規模狹隘旋燬於兵康熙二十二年
巡道劉德宏詳請改建於西城內周家山爲明
時川叅將張頤南署卽後所衛軍周登用基址
自改廳四十餘年學宮至是始就嗣三十六年
巡道馬雲龍乾隆四十一年同知劉組曾先後
重修俱有碑記

見藝文

康熙二十三年

欽頒

御書萬世師表匾額四十二年

欽頒

御製訓飭士子碑文四十五年

勅建平定朔漠碑於殿左雍正元年奉

旨創建崇聖祠恭設五代王牌位四年

欽頒

御書生民未有匾額八年

勅建平定青海碑於殿右乾隆三年

直隸叙永廳志

卷十五

學校

二

欽頒

御書與天地參匾額嘉慶五年

欽頒

御書聖集大成匾額 中學額取十二名

廟田二處坐落永十甲寧四甲册名文廟田歲

納條銀一兩六錢九分二釐歲收租穀約倉斗

四十石零歷年已久向歸儒學經管變價歲修

公用

丹山書院

在廳治北門外因郡有紅崖得名乾

隆三十年同知陶敦和捐買王氏舊廬創建四
十三年同知劉組曾補葺郡人鄭國詞以山路
陡窄募衆開鑿自武廟起至書院止計二百二
十五丈爲橋二通肄業生童往來稱便焉
院收租穀歲約一百二十石每石折繳市銀一
兩二錢又歲收道署房地租及上礮官基租約
市銀一百二十兩由廳經管以爲每歲掌教脩
脯生童膏火之需年終報銷

永寧縣儒學 在縣城東門內

直隸叙永廳志

卷十五

學校

三

欽頒匾額碑文與廳制同

中學額取十二名

廟田六處坐落白村五角山底村金鷺池紅巖
壩獅子山等處歲收租米約二十七石零每年
秋收送學支銷

按舊衛志儒學在衛治東南明正統八年建

聖廟正殿三楹後爲啟聖祠祠後之左爲啟文閣右爲
魁神閣東西兩廡戟門外鄉賢名宦兩祠櫺星門
前臨永河以爲泮池又左爲明倫堂志道據德依
仁游藝四齋左右有騰蛟起鳳二坊奢酋燒燬崇

正元年指揮帥克壯重修崇正末燬於流寇

國朝順治十七年永赤同知王家相守備李祺齡教授
路之朝重修康熙十九年吳逆復燬之二十五年
守備劉國相教授江人龍重修按川貴同庠原設
大學共額廩膳四十名增廣四十名每歲科兩考
各進童生二十名後取十五名康熙七年分學廩
增各二十名歲科各取童生十二名歲有武童額
亦如之自雍正八年永寧縣改隸叙永廳後歲科
學額及廩增名數均與廳同

直隸叙永廳志

卷十五

學校

四

又按學政全書雍正十三年議准黔省畢節縣屬
之赤水河北地方撥歸永寧縣統歸四川省管轄
所有錢糧戶口業經造冊歸川惟考試一事赤水
河北地方應考童生自永邑歸川之後卽赴永寧
考試入學而舊日之文武生員歲科兩試至今仍
赴黔省殊屬未便應將畢節縣河北地方之文武
生員逐一查明改歸永寧縣應試約束令該學政
嚴飭改歸士子以永寧之籍貫考試不得兩地冒
考 現在廳縣生童俱歸瀘州考院合棚考試

又按赤水舊志赤水衛學建自明正統五年在衛城中西北萬歷遷於衛城外東南太師坪後爲吳逆折毀遂廢

蓬萊書院 舊在廳 文廟側因與蓬萊橋近得名
乾隆七年同知杜樞創建以爲義學嘉慶六年知縣易昌移置南門正街改爲書院

院 田一所 知縣 王泰運 捐置易昌並捐存公生息

銀二百兩外又有房地各租歲共收租穀十四石
租利銀五十八兩錢六千餘文作爲脩脯膏火尙

不敷用